

¡BOMBA!

En la selección de elenco hay que invertir más de un día en defender soberanía por lo menos desde Atenco.



K'uintsil

Lunes 4 de mayo de 2026

CAMPECHE · YUCATÁN · QUINTANA ROO · AÑO 11 · NÚMERO 2715 · www.lajornadamaya.mx

Chinae' béeychaj u wa'akunsik u yáax eolikáa pláataforma ich taamtam ja'

U noj lu'umil Chinae' tu ts'o'oks u líik'sik u nojoch pláataformaail eolikáan ich k'áak'náab, de 16 méegabatos, ich taamtam ja'ob, kex 70 kms náach ti' jáal ja', yéetel tu'ux maanal 50 metros u taamil, aktáan ti' chan kaajil Cantón, ikil táan u beetik jump'éeel meyaj táan u kaxtik u nojochkínsik meyajjo'ob yóok'olal le jejeláasil éenerjiaa.

Kúuchile' pata'an u k'aaba' beey 'Sanxia Linghang', ts'o'oke' beeta'an tumen u mola'ayil China Three Gorges Corporation. Jts'a'ab tu yáak'abil sábado, ichil u ja'il u noj kaajil Yangjiang, beey tu ts'áaj k'ajóoltbil le domingo máanaika' ti' u kúuchil péektsilo'ob Xinhua.

Sistemae' ku nupkinsik meyaj jump'éeel aerójenerador jach ya'ab u káapasidad yéetel jump'éeel pláataforma ku floatáar ich ja', yéetel jump'éeel túumben siistema, tu'ux je'el u chukik 20 meetros u ka'analil oolas k'áak'náab, yéetel u chukik kex 73 meetros por segundoo u chichil u jaats' iik'.

Ichil le túumben ba'axo'ob ts'a'abane, mola'ay tu ya'alaje' yáax juntéel u k'a'abéetkuns'al, te'el noj lu'umo', u kaablesil polieester jach mu'uk'a'an u meyaj ti'al u béeytal u jets'ik tu'ux ku machkubáaj le pláataformao', tumen ku béeytal u kóoliko'ob u éenerjiaail le oolaso', ikil u yúuchul ba'ax

k'ajóolta'an beey déeformasyoon elaastikáa, yéetel tumen ku p'íitkunsik muuk' ku éets'el yóok'ol le kúuchilo'.

Pláataformae' ku táakbesik jump'éeel túumben sisteemail lastre ku p'iiskúunsik tu juunal le beyka'aj ja' k'a'abéet ti' u koolumnasil, ti'al u beetik u wa'atal tu beel le kúuchilo', je'el bix xan jump'éeel kaable t'uba'an ich ja' de 66 kilobooltios beeta'an ti'al u béeytal u meyaj kex wa jach talam yanik bix u péek' k'áak'náab.

Efe / P 20

Oochel: China Haizhaung

